

第五八九冊

理學彙編

經籍典

史學部

（卷）
四〇—四二八

古今圖書集成

中華書局影印

欽定古今圖書集成理學彙編經籍典

第四百十卷目錄

史學部彙考六

宋馬端臨文獻通考三

傳記二

經籍典第四百十卷

史學部彙考六

宋馬端臨文獻通考三

傳記

溫公日記一卷

陳氏曰司馬光熙寧在朝所記凡朝廷政事臣僚
差除及前後奏對上所宣諭之語以及聞見雜事
皆記之起熙寧元年正月至三年十月出知永興
而止

異巖李氏曰文正公初與劉道原共議取實錄正
史旁采異聞作資治通鑑後紀屬道原早死文正
起相元祐後終卒不果成今世所傳記聞及日記
并朔記皆後紀之具也自嘉祐以前甲子不詳則
號記開嘉祐以後乃名日記若朔記則書略成編
矣始文正子孫藏其書祖廟謹甚黨禍既解乃稍
出之旋經離亂多所亡逸此八九紙草葉或非全
幅間用故牘又十數行別書牘皆往往剪開黏綴
事亦有與正史實錄不同者蓋所見所聞所傳聞

之異必兼存以求是此文正長編法也

王氏日錄八十卷

晁氏曰皇朝王安石介甫撰紹聖間蔡卞合會布
獻於朝添入神宗實錄陳堊中謂安石既罷相悔
其執政日無善狀乃撰此歸過於上掠美於己且
歷詆平生不悅者欲以欺後世於是著尊堯集及
日錄不合神道論等十數書此書起熙寧元年四
月終七年三月再起於八年二月終於九年六月
安石兩執國柄日也然無八年九月以後至九年
四月事蓋安石攻呂惠卿時堊中謂蔡卞除之安
石罵惠卿之語其事當在此際也

陳氏曰本朝禍亂萌於此書陳堊所謂尊私史而
壓宗廟者其強復堅辨足以熒惑主德鉗制人言
當其垂此秉畀炎火豈非其心有所愧悔歟既不
克焚流毒遺禍至今為梗悲夫書本八十卷今止
有其半

四明尊堯集一卷

陳氏曰司諫延平陳璘堊中撰專辯王安石日錄
之誣僭不孫與配食坐像之為不恭璘初在諫省
未以安石為非合浦所著尊堯集猶回隱不直末
乃悔之復為此書以謂蔡卞專用日錄以修神宗
實錄薄神考而厚安石尊私史而壓宗廟於是編
類其語得六十五條總而論之坐此軻轡台州
朱子讀兩陳議遣墨跋日錄因為邪說然諸賢
攻之亦未得其要領是以言者瀆而聽者疑用力
多而見功寡也蓋嘗即其書而考之則凡安石之
所以惑亂神祖之聰明而變移其心術使不得遂

其大有為之志而反為一世禍敗之原者其隱微
深切皆聚此書而其詞鋒筆勢縱橫揮闢燭照
詭又非安石之口不能言非安石之手不能書也
以為蔡卞撰述之言固無是理况其見諸行事深
切著明者又已相為虛糜亦不待晚年翹筆有所
增加而後為可罪也然使當時用其垂絕之智舉
而焚之則後來載筆之士於其帷幄之間深謀密
計雖欲畢力搜訪極意形容勢必不能得之如此
之悉而傳聞間異詞虛實相半亦不能使人無盜
惡之疑且如勿令上知之語世所共傳終以手筆
不存故使陸佃得為隱諱雖以元祐衆賢之力爭
辯之苦而不能有以正也此見陸佃開卷 何幸其
徒自為失計出此真蹟以暴其惡於天下便當據
其肆情反理之實正其迷國誤朝之罪而直以安
石為誅首是乃所謂自然不易之公論不唯可以
訂已往之謬而又足以開後來之惑奈何乃以畏
避嫌疑之故反為迂曲回互之言指為撰造增加
誣偽謗詆之書而欲加刊削以滅其迹乎此書之
作實在建中崇寧之間且其言猶以日錄為蔡卞
之所記而其後了翁合浦尊堯之書亦未直攻安
石也至於大觀初年而後四明之論始作雖謂天
使安石自寫誣悖之心然猶有翹筆增加親過神
考之云則終未免於有所回互避就而失之者也
朱子語錄問四明尊堯集日只似討闊却不於道
理上理會只於利害上見得於道理全疎如介甫
心術隱微處它都不曾改得却只是把持如云謂
太祖濫殺有罪謂真宗矯誣上天皆把持語也龜

山集中有攻日錄數段却好蓋龜山長於攻王氏曾相手記三卷

晁氏曰紹聖初元祐黨禍起曾布知公論所在故對上之語多持兩端又輒增損以著此書云

紹聖甲戌日錄一卷元符庚辰日錄一卷

陳氏曰丞相南豐曾布子宣撰記在政府奏對施行及官禁朝廷之事

林氏野史八卷

陳氏曰同知樞密院長樂林希子中撰希不得志於元祐起從章惇甘心下遷西掖草諸賢謫詞者也而此書記熙寧元豐以來事頗平直不類其所為或言此書作元祐之前其後時事既變希亦隨之書藏不毀久而時事復變其孫懋於紹興中始序而行之耳

王氏揮塵錄曰林子中野史世多傳之其間議論與平日所為極為背馳殊不可曉豈非知公論之不可揜欲蓋其迹於天下後世耶

邵氏辯誣一卷

晁氏曰邵伯溫撰辨蔡卞章惇邢恕誣罔宣仁欲廢哲宗立徐邸事

邵氏聞見錄二十卷

晁氏曰邵伯溫子文撰記國朝雜事迄紹興之初序言早以其父之故親接前輩得前言往行為多類之成書其父雍也

陳氏曰又有後錄三十卷其子博所作

傳信錄十卷

晁氏曰皇朝鮮于綽大受撰言國朝雜事多元豐

後朝廷政事得失人物賢否也

國史後補五卷

陳氏曰蔡條撰條京之愛子京末年事皆出於條條見攸既叛父亦與條不咸此書大略為其父自解而滔天之惡終有不可隱蓋者其間所載宮闈禁密非臣庶所得知亦非臣庶所宜言既出條筆事遂傳世殆非人力也

北征紀實二卷

陳氏曰蔡條撰敘伐燕本末歸罪童貫蔡攸亦欲為京文飾然京罪不可掩也

金人背盟錄七卷圍城雜記一卷避戎夜話一卷金國行程十卷南歸錄一卷朝野僉言一卷

晁氏曰皇朝汪藻編記金人叛契丹迄於宣和乙巳犯京城圍城雜記等五書皆記靖康時事也

陳氏曰朝野僉言不著名氏有序建炎元年八月繫年錄稱夏少曾未詳何人南歸錄直祕閣沈瑄撰亦記燕山事

避戎夜話吳興石茂良太初撰

靖康要錄五卷

陳氏曰不知誰撰自欽廟潛邸迄靖康元年十二月事

靖康傳信錄一卷

陳氏曰丞相李綱伯紀撰丁未二月靖康奉使錄一卷

陳氏曰鄭望之撰

靖康拾遺錄一卷

陳氏曰何烈撰又名靖康小史又名草史

孤臣泣血錄三卷拾遺一卷

陳氏曰丁特起撰

裔夷謀夏錄七卷

陳氏曰汪藻撰

陷燕記一卷

陳氏曰賈子莊撰記燕山初陷事子莊不知其名蔡靖客也

靖康錄一卷靖康遺錄一卷

陳氏曰錄太學生朱邦基撰遺錄太學生沈良撰金人犯關記一卷

陳氏曰草茅方冠撰

汴都記一卷靖康野錄一卷痛定錄一卷

陳氏曰並不著撰人名氏

悲喜記一卷

陳氏曰圍城中人作書與所親曰中美知府者具述晉亂本末自稱名曰鳴皆不知何人也

東都事略一百五十卷

陳氏曰承議郎知龍州眉山王偁季平撰其書紀傳附錄略具體但無志耳附錄用五代史例也淳熙中上其書得直祕閣其所紀太簡略未得為全書

建炎中興記一卷

陳氏曰耿延禧撰

建炎日曆五卷

晁氏曰宰相汪伯彥撰記太上皇帝登極時事

陳氏曰敘元帥開府至南都踐極

呂忠穆客問一卷

陳氏曰宰相濟南呂頤浩元直撰

呂忠穆勤王記一卷

陳氏曰左宣教郎臧梓撰記建炎復辟事

渡江遺變錄一卷

丞相上蔡朱勝非藏一撰記苗劉作難至復辟事

建炎復辟記一卷

無名氏

建炎通問錄一卷

宣教郎傅雱撰建炎初李丞相綱所進

北狩聞見錄一卷

幹當龍德宮曹助功顯撰勳扈從北狩以徽廟御

札間道走行在所以建炎二年七月至南京

北狩行錄一卷

蔡條王若冲撰

戊申維揚錄一卷

無名氏

維揚過江錄一卷

尚書左丞葉夢得少蘊撰

己酉航海記一卷

中書舍人李正民撰又名建炎居邠記

建炎假道高麗錄一卷

楊應誠撰取道遼東奉使金虜不達而還

紹興講和錄二卷

無名氏

亂華編三十三卷

知肝貽軍東平劉荀子卿編其前有小序數語云
方石敬瑭割幽燕遺契丹之日孰知爲本朝造禍

之原哉逮王安石創新法爲辟國之謀又孰知紹
述者召禍之酷哉所集雜史傳記近三十種苟忠
肅丞相諸孫也

元祐黨籍列傳譜述一百卷

龔頤正撰以諸臣本傳及誌狀家傳遺事之類集

成之其事跡微晦史不可見者則采拾諸書爲之

補傳凡三百九人其闕者四人而已淳熙中史院

取其書以修

四朝國史洪邁奏乞甄錄補和州文學後賜出身

詳見編年類頤正給事中原之曾孫也

紹興正論二卷

序稱瀟湘野夫不著名氏錄文武官不附和議及

忤秦檜得罪者

紹興正論小傳二十卷

宗正寺主簿鄭樓昉叔撰以正論中姓名做元

祐黨傳爲之

三朝北盟會編二百五十卷

直祕閣清江徐夢莘商老撰輯諸書二百餘家分

上中下上爲宣政二十五卷中爲靖康七十五卷

下爲炎興百五十卷

北盟集補五十卷

夢莘以前書銓載不盡者五家續編次於中下二

帙以補其闕靖康炎興各爲二十五卷

中興十三處戰功錄一卷

參政眉山李璧李章撰中興以來禦寇立功惟此
十三處編爲一書所謂司勳藏其貳者也開禧乙
丑北事將作其書成

順昌錄一卷

晁氏曰紹興十年劉錡破女真於順昌城下其徒
記其功云

建炎以來朝野雜記甲乙集共四十卷

陳氏曰李心傳撰上自帝系帝德朝政國典下及

見聞瑣碎皆錄之蓋南渡以來野史之最詳者

西陲泰定錄九十卷

陳氏曰李心傳撰記吳曦叛逆以及削平本末起

嘉泰辛酉迄嘉定辛未爲三十七卷其後蜀事益

多又增修至辛巳之冬遍爲九十卷仍頗用太史

年表例并記國家大政令防邊大節目首尾二十

年

紹運圖一卷

晁氏曰未詳何人撰自伏羲至皇朝神廟五德之

傳及記事皆著於篇

漢史二十卷

陳氏曰丞相陽羨蔣芾子禮撰其會祖魏公之奇

穎叔所記遺事殆數百冊兵火散失搜摭遺棄得

六百六十事爲十九門淳熙改元書成爲之序

國史編年政要四十卷國朝實錄列傳舉要十二卷

皇朝宰輔拜罷錄一卷續百官公卿表二十卷質疑

十卷

中興藝文志蔡幼學撰幼學採國史實錄等書爲

國朝編年政要以擬紀起建隆訖靖康又爲國朝

實錄列傳以擬傳起國初止神宗朝又爲宰輔拜

罷錄起建隆盡紹熙年爲經官緯之又以司馬光
百官公卿表起建隆訖治平乃爲續表終紹熙經

緯如宰輔圖上方書年記大事下列官詳記除罷遷卒月日而大事止及靖康後未及錄以擬表又為備志以擬志而未成

黃帝內傳一卷

晁氏曰序云昔錢籛得之於衡山石室中後至漢劉向於東觀校書見之遂傳於世藝文志以書之記國政得失人事美惡其大者類為雜史其餘則屬之小說然其間或論一事若一人者附於雜史小說皆未安故又為傳記類今從之如神仙高僧不附其類而繫於此者亦以其記一事猶列女名士也

陳氏曰誕妄不經方士輩所託也

漢武內傳二卷

晁氏曰不題撰人記王母降

漢武故事二卷

晁氏曰世言班固撰唐張柬之書洞冥記後云漢武故事王儉造

飛燕外傳一卷

晁氏曰伶元撰茂陵下理藏之於金膝漆櫃王莽之亂劉棻得之傳於世言荀勗校上

陳氏曰稱漢河東都尉伶元子于撰自言與楊雄同時而史無所見或云偽書也然通德摠髮等事文士多用之而禍水滅火一語司馬公載之通鑑矣

古列女傳八卷續列女傳一卷

南豐曾氏序劉向所敘列女傳凡八篇事具漢書向列傳而隋書及崇文總目皆稱向列女傳十五

篇曹大家注以頌義考之蓋大家所注離其七篇為十四與頌義凡十五篇而益以陳嬰母及東漢以來凡十六事非向書本然也蓋向舊書之亡久矣嘉祐中集賢校理蘇頌始以頌義編次復定其書為八篇與十五篇者並藏於館閣而隋書以頌義為劉歆作與向列傳不合今驗頌義之文蓋向之自敘又藝文志有向列女傳頌圖明非歆作也自唐之亂古書之在者少矣而唐志錄列女傳凡十六家至大家注十五篇者亦無錄然其書今在則古書之或有錄而亡或無錄而在者亦衆矣非可惜故今校讎其八篇及十五篇已定可繕寫初漢承秦之敝風俗已大壞矣而成帝後宮趙衛之屬尤自放向以謂王政必自內始故列古女善惡所以興亡者以戒天子此向述作之大意也

晁氏曰漢劉向撰賭趙衛之屬起微賤踰禮制以為王教由內及外乃采詩書所載賢妃貞女及嬰孽亂亡者序次為列女傳凡八篇以戒天子前有王回序其略曰此書有母儀賢明仁智貞慎節義辨通孽孽等篇而各頌其義圖其狀總為卒篇傳如太史公記頌如詩之四言而圖為屏風然世所行向書乃分傳每篇上下并頌為十五卷其十二傳無頌三傳同時人五傳其後人通題曰向撰題其頌曰向子歆撰與漢史不合故崇文總目以陳嬰母等十六傳為後人所附予以頌考之每篇皆十五傳耳則凡無頌者宜皆非向所奏書不特自陳嬰母為斷也頌云畫之屏風而史有頌圖在八篇中莫得而考以向所序書多散亡獨此幸存而

完復為它手竄疑於其真故并錄其目而以頌證之刪為八篇號古列女傳餘十二傳其文亦奧雅可喜故又以時次之別為一篇號續列女傳公武按隋經籍志有劉向列女傳十五卷又有劉歆列女傳頌又有項原列女後傳今同刪此書為八篇以合漢史得之矣至於疑頌非歆作蓋因顏籛之言爾則未必然也二十傳豈項原所作耶

陳氏曰其七篇篇十五人為一百五十八篇為頌義隋唐志及崇文總目皆十五卷蓋以七篇分為上下而自陳嬰母以下十六人附入其中或在向後者皆好事者所益也王回曾鞏二序辨訂詳矣鞏之言曰後世自學問之士多徇於物而不安其守其室家既不見可法故競於邪侈豈獨無相成之道哉士之苟於自恣顧利冒恥而不知反己者往往以家自累故也故曰身不行道不行於妻子況於南鄉天下之主哉愚嘗三復其言而志之向書傳於世鮮矣惟此書獨全其稱詩茅伯舟大車之類與今說詩者乖異蓋齊魯韓之學固不盡與毛氏同也

高士傳十卷

晁氏曰晉皇甫謐撰纂自陶唐至魏八代二千四百餘載世士高節者其或以身徇名雖如夷齊兩龔皆不錄凡九十六人而東漢之士居三之一自古名節之盛議者獨推焉

陳氏曰序稱自堯至魏咸熙二千四百餘載得九十餘人今自被衣至晉寧惟八十七人

襄陽耆舊記五卷

晁氏曰晉習鑿齒撰前載襄陽人物中載其山川城邑後載其牧守隋經籍志曰者舊記唐藝文志曰者舊傳觀其書紀錄叢勝非傳體也名當從經籍志云

談藪二卷

陳氏曰北齊祕書省正字北平陽玠松撰事綜南北時更八代隋開皇中所述

梁四公記一卷

陳氏曰唐張說撰按館閣書目稱梁載言纂唐志作盧說注六一作梁載言邯鄲書目云載言得之臨苗田通又云別本題張說或爲盧說今按此書卷末所云田通事跡信然而首題張說不可曉也其所記多妄誕而四公名姓怪異無稽不足深辯

閩川名士傳三卷

晁氏曰唐黃璞撰錄唐神龍以來閩人知名於世者劾楚國先賢傳爲之

陳氏曰所記人物自薛令之而下凡五十四人

楊貴妃外傳二卷

晁氏曰皇朝樂史撰叙唐楊妃事跡迄皇明之前

綠珠傳一卷

晁氏曰樂史撰

補江總白猿傳一卷

晁氏曰不詳何人撰述梁大同末歐陽紇妻爲猿所竊後生子詢崇文目以爲唐人惡詢者爲之

後村劉氏曰歐陽率更貌癡陋長孫無忌嘲之曰誰令麟閣上畫此一獼猴好事者遂造白猿之說謗及其親

陳氏曰託言江總必無名子所爲也

秋梁公家傳三卷

陳氏曰唐海州刺史江都李邕撰

高士外傳一卷

陳氏曰唐大理司直鄭提撰

鳳池曆二卷

陳氏曰不著名氏記長孫無忌歷官本末及家世子孫按唐志馮宇鳳池錄五十卷李淑書目惟存五卷記宰相名大事迹非此書

安祿山事迹三卷

陳氏曰唐華陰尉姚汝能撰

相國鄴侯家傳十卷

晁氏曰唐亳州刺史李繁撰繁鄴侯泌之子也太和中以罪係獄當死恐先人功業不傳乞廢紙拙筆於獄吏以成傳業戒其家求世間人潤色之後竟不果宋子京謂其詞浮侈云

陳氏曰按中興書目有柳玭後序今無之繁嘗爲通州韓退之送諸葛覺詩所謂鄴侯家多書插架三萬軸者也其曰行年餘五十出守數已六屢爲丞相言雖懇不見錄則韓公於繁亦拳拳矣新舊史本傳稱繁無行漏言裴延齡以談陽城師事梁肅而烝其室殆非人類然則韓公無乃溢美而所述其父事庸可盡信乎

汾陽王家傳十卷

晁氏曰唐陳雄撰雄本汾陽王郭子儀僚吏後又從事渾瑊幕府故傳不名第九卷錄行狀第十卷錄副佐三十三人大將二十七人曰忠武將佐略

北征雜記一卷

陳氏曰唐宰相趙憬撰貞元四年咸安公主下降回紇憬副開播爲冊禮使作此書記行

柳氏序訓一卷

晁氏曰唐柳玭叙其祖公綽已下內外事迹以訓其子孫

吳湘事迹錄一卷

晁氏曰唐大中中李紳鎮揚州陷湘州以罪抵死後其兄汝納辨訴其枉狀錄總載焉

陵園記一卷

陳氏曰唐宗正丞李^{夫其}撰光化元年序

牛羊日曆一卷

陳氏曰唐劉軻撰牛指僧孺羊謂虞卿漢公也西南備邊錄一卷

陳氏曰唐宰相李德裕文饒撰太和中鎮蜀所作

內州縣城鎮兵食之數大略具焉

異域歸忠傳二卷

陳氏曰李德裕撰會昌二年臘沒斯內附德裕奉詔采秦漢以來由絕域歸中國以名節自著功業始終者凡三十人爲之傳

晉書十卷

陳氏曰唐安南宣慰使懋緯記南詔事咸通五年奏之

崔氏日錄一卷

陳氏曰不著名字殘闕無始末未有跋尾亦不知何人言此書出宋敏求家考訂年月及所載人名姓甚詳蓋廣明元年崔沆爲相非其子弟卽其門

人爲之字畫清麗而其所記不過請飲交通評議有以見唐末風俗之弊云

登科記三十卷

晁氏曰皇朝樂史撰記進士及諸登科名者起唐

武德訖天祐末

唐制舉科目圖一卷

晁氏曰不題撰人凡七十六科任至宰相者七十

二人唯劉蕡名最高而官最不達

異嚴李氏曰寶元間蔡元翰編集某家有制科登

第錄一卷不著撰人氏字止用年代次序登第者

姓名或不暇遍舉且自敬宗以後闕不復錄而元

翰所記科目以類相從姓名具列又問出其更歷

始終比某家本爲優然而尚多脫遺如天授中祝

欽明中英才傑出業輿大經科而此無之蓋元翰

獨據舊唐書故所見有不盡博采別條乃可備一

家言耳

唐登科記十五卷

陳氏曰丞相鄴陽洪适景伯編集按唐藝文志有

崔氏顯慶科記五卷姚康科第錄十六卷李奕登

科記二卷崔氏書有趙儋序而失崔名所載至周

顯德固非崔氏本書而李奕書亦不存洪忠宣得

姚康書五卷於北方而丞相又得別本起武德終

大和於毘陵錢仲氏乃以三本輯爲一書而用姚

氏爲正三書皆有序姚氏汝諸南仲孫也元和十

五年進士本書錄武德至長慶爲十一卷其曰十

六卷者亦後人所續

五代登科記一卷

陳氏曰不著名氏前所謂崔氏書至周顯德止者殆卽此耶館中有此書洪丞相以國初卿相多在

燉煌新錄一卷

陳氏曰有序稱天成四年沙州傳舍集而不著名

氏蓋當時奉使者敘張義潮本末及彼土風物甚

詳涼武昭王時有劉炳者著燉煌實錄二十卷故

此號新錄

渚宮故事五卷

陳氏曰後周太子校書郎余知古撰載荆楚事自

壽熊至唐末本十卷今止晉代闕後五卷

錦里耆舊傳八卷

陳氏曰前應靈縣令平陽句延慶昌裔修開寶三

年祕書丞劉尉於榮州得此傳其詞蕪穢請延慶

修之改曰成都理亂記天成之後別加編次起咸

通九載迄乾德乙丑迄祥符己酉自平蜀之後朝

廷命令官僚姓名及政事因革以至李順王均劉

肝作亂之迹皆略載之知新繁縣太常博士張約

爲之序

平蜀實錄一卷

陳氏曰左藏庫副使康延澤撰平蜀之後延澤以

內染院爲使鳳州路馬軍都監王全斌等既得罪

延澤亦貶唐州團練使按本傳載蜀軍二萬七千

人諸將慮其爲全師雄內應欲盡殺之延澤請簡

老弱疾病七千人釋之餘以兵衛浮江而下諸將

不能用此書敘述甚詳邯鄲書目云不知作者館

閣書目亦然考王元之所撰延澤墓誌知其所爲

也

秦王貢奉錄二卷

陳氏曰樞密使吳越錢惟演希聖撰記其父叔貢

獻及錫賚之物

家王故事一卷

陳氏曰錢惟演撰記其父遺事二十二事上之以

送史院

戊申英政錄一卷

陳氏曰發州刺史錢儼撰記其兄儼事迹似以戊

申正月嗣位

玉堂逢辰錄二卷

陳氏曰錢惟演撰其載祥符八年四月榮王宮火

一日二夜所焚屋宇二千餘間左藏內藏香藥諸

庫及祕閣史館香閣數十里三館圖籍一時俱盡

大風或颺至汴水之南惟演獻禮賢宅以處諸王

以此觀之唐末五代書籍之僅存者又厄於此火

可爲太息也

西李文正公談錄一卷

晁氏曰西李文正公昉也相太宗其子宗諤錄其

平生所談十七事

陳氏曰所記凡三十七事

張忠定公語錄四卷

晁氏曰皇朝張忠定公詠守蜀有善政其門人李

敞紀其語論可以垂世者

曹武惠別傳一卷

陳氏曰知石州曹偃撰武惠曾孫也

賈公談錄一卷

陳氏曰序言庚午銜命未都聞於補闕賈黃中凡二十六條而不著其名別本題清輝殿學士張洎蓋洎江南奉使也庚午實開寶三年黃中晉開運中以七歲爲童子關關頭十六歲進士及第三

人

王沂公筆錄一卷

陳氏曰丞相清公青社王曾孝先撰記開國以來

雜事凡三十六條

王沂公言行錄一卷一作三卷

晁氏曰沂公弟天章閣待制皞錄公平生言行凡三十七事

陳氏曰前有李清臣序文後有晏殊杜杞岑書

王魏公遺事四卷

晁氏曰魏公巨相眞宗其子素錄事凡五百條

陳氏曰家錄一卷卽素所錄遺事也

寇萊公遺事一卷

陳氏曰不知何人作

萊公勳烈一卷

晁氏曰寇宗奭編宗奭準曾孫也編集仁宗祭準

文及贈諸墓碑傳誌贊詩等爲此書

民表錄三卷

晁氏曰皇朝胡納撰錄國朝循吏善政李淑以爲

雖淺俗亦可備廣記云天聖中借賢惠錄上之

賢惠錄三卷

晁氏曰胡納撰國朝賢惠之女後一卷媛嗣成之

安定先生言行錄二卷

陳氏曰雜錄胡媛翼之事及先詞誌表祭文等其

間有賢惠錄孝行錄蓋其父納所爲也

韓魏公家傳二卷

晁氏曰皇朝韓忠彥撰錄其父琦平生行事近世

著史者喜采小說以爲異聞逸事如李繁錄其父

泌崔引記其父慎由事悉鑿空妄言前世謂此等

無異莊周鮒魚之辭賈生服鳥之對者也而唐書

皆取之以亂正史曰是近時多有家傳語錄之類

行於世陳瑩中所以發憤而著書謂魏公名德在

人耳目如此豈假門生子姓之間區區自列乎持

史筆其慎焉

陳氏曰不著名氏當是其家所傳也

韓忠獻遺事一卷

陳氏曰羣牧判官錢塘強至幾聖撰至魏公之客

也

魏公語錄一卷

陳氏曰與別錄小異而實同別錄分四卷此總爲

一篇先後次第亦不同而末一則別錄所無姑並

存之

魏公別錄四卷

晁氏曰其門人王嵩叟記其言論事實然以國史

考之其歲月往往抵牾蓋失之誣也

杜祁公語錄一卷

陳氏曰不知何人作

文潞公私記一卷

晁氏曰皇朝文彥博所撰元豐初王堯臣之子同

老以其父至和中所撰立英宗爲皇子詔草上之

博具以實對至元祐中賈易爲言官爲韓忠彥爭

辯其事彥博乃著此其後云自古唯霍禹云縣官

非我家將軍不得至此楊復恭自稱定策國老謂

昭宗爲門生天子執執不道之言卒被夷滅

陳氏曰記至和請建儲及元豐褒賞事

潛德錄一卷

晁氏曰皇朝呂誨獻可之孫撰記其祖乞立英宗

言章

嘉祐名臣傳五卷

晁氏曰張唐英傳仁宗朝賢臣五十餘人

王氏揮麈錄曰唐英天覺同胞兄仕至殿中侍御

史嘗述仁宗政要上於朝所謂嘉祐名臣傳特政

要中一門耳

孔子編年三卷

晁氏曰皇朝孔傳取左氏國語公羊史記及它書

所載孔子事以年次之自生至卒

東家雜記二卷

晁氏曰亦孔傳撰孔子四十七代孫也纂其家舊

聞軼事於此書

陳氏曰歷代追崇先聖故事及孔林古跡

晁氏曰從父詹事公撰雜取諸書所載雄逸事爲

一編係之以贊

唐質肅遺事一卷

陳氏曰無名氏所記唐介子方事也

韓莊敏遺事一卷

陳氏曰祕書丞韓宗武文若撰記其父丞相縝玉

汝事未亦雜載它事宗武即少年遇洋客者也年八十二乃卒此編亦載其詩云熙寧間得異疾與神物遇

范忠宣言行錄二十卷

陳氏曰不著名氏其家所錄也

范太史遺事一卷

陳氏曰翰林學士范冲元長記其父事

傳獻簡佳語一卷

陳氏曰不知何人所作記傳堯俞所談

杜公談錄一卷

陳氏曰雷繹杜師益等錄其父務滋之言王廣淵

作序

豐清敏遺事一卷

陳氏曰給事中章貢李朴先之撰記豐稷相之事

朱熹爲之後序

宗忠簡公遺事三卷

陳氏曰不著名氏錄雷守開封事亦其家子孫所

爲

後村劉氏序曰公遺事行世已久今連帥寶謨王

公銘公之外孫復稍採摭舊聞以傳異之

呂忠穆家傳一卷逢辰記一卷遺事一卷

陳氏曰記建炎丞相呂頤浩元直事孫昭問刻之

廣德軍

褒德集二卷易學辯惑一卷

陳氏曰邵伯溫撰錄其父誥命論議行狀墓誌之

屬辯惑述傳授源流辯鄭夾之妄

呂氏家塾記一卷

陳氏曰侍講呂希哲原明撰

桐陰舊話十卷

陳氏曰吏部尚書穎川韓元吉無咎撰記其家世

舊事以京師第門有桐本故云元吉門下侍郎維

之四世孫也

趙康靖日記一卷

陳氏曰參政睢陽趙鼎叔手所記治平乙巳丙午

間在政路初事

劉忠肅公行年記一卷

陳氏曰丞相東平劉摯莘老撰

文昌雜錄六卷

陳氏曰主客郎中南京龐元英懋賢撰官制初行

元英爲郎在省四年記一時見聞及古今典故可

觀覽元英丞相莊敏公籍之子

開見近錄一卷

陳氏曰宗正丞三槐王鞏定國撰

辯欺錄一卷

陳氏曰韓忠彥記其父嘉祐末命事與文富諸公

辯

回天錄一卷

陳氏曰宣教郎秦湛處度撰記呂好問園城中事

好問除右丞訓詞有回天之力語故以名錄後有

好問謝其祖公著復官表及遺表

盡忠補過錄一卷

陳氏曰修職郎穆伯芻撰記張孝純在僞齊時所

上本朝書

陳氏曰吳敏元忠撰記靖康初元事

岳飛事實六卷辯誣五卷

陳氏曰飛之孫珂撰

丁卯實編一卷

陳氏曰成忠郎李拱撰誅賊之功楊巨源爲多安

丙忌而殺之珙爲作傳上之於朝以昭其功而申

其冤

孔子編年五卷

陳氏曰新安胡仔元任撰其父待制舜陟命仔采

撫經傳爲之

諸葛武侯傳一卷

陳氏曰侍講張枋撰以陳壽作史私且陋哀集他

傳及裴松之所注爲此傳而削去管樂自許一則

朱晦翁以爲不然又爲後論以達其意謂其體正

大而學未至使得游洙泗之門所就不止此

韓文公曆官記一卷

陳氏曰新安張敦頤撰頗疏略其最誤者序言擒

吳元濟出牛元翼爲一事此大謬也爲裴度行軍

司馬在憲宗元和時奉使鎮州王庭湊在穆宗長

慶時

歐公本末四卷

陳氏曰呂祖謙編蓋因觀歐陽公集攷其歷仕歲

月同官同朝之人略著其事迹而集中詩文亦隨

事附見非獨歐公本末而時事時賢之本末亦大

略可觀矣故以入傳記類

皇祐平蠻記二卷

陳氏曰殿中丞馮炳撰記儂智高事

孫威敏征南錄一卷

陳氏曰學士睢陽滕甫元發撰言平南之功皆本孫沔元規秋青之智莫能出其右者余靖歸美於青非實也甫時通判潮州

隋斷囉傳一卷

陳氏曰不著作者

陝西聚米圖經五卷

陳氏曰閤門通事舍人雄州趙珣撰珣父振博州防禦使久在西邊珣訪得五路徼外山川道里康定二年為此書韓魏公經略言於朝詔取其書召見執政呂許公宋荅公言用兵以來策士之言以千數無如珣者擢涇原都監定川之敗死焉珣勤特好學恂恂類儒者人皆惜之

元豐平蠻錄三卷

陳氏曰金部員外郎知鳳翔府家安國撰記乞弟

韓存寶事

元祐分疆錄三卷

陳氏曰直龍圖閣京兆游師雄景叔撰元祐初議棄西邊四寨執政召師雄問之對曰先帝棄之可也主上棄之則不可且示弱夷狄反益邊患爭之甚力不聽卒棄之四寨者葭蘆米脂浮屠安疆也夏人以事出望外萌侵侮之心連年犯順皆如師雄所料此書前三卷記當時論辯本末後一卷行實不知何人作也是歲師雄被命行邊請以便宜行事夏人與鬼章謀寇熙河師雄說劉舜卿出師種誼遂破洮州擒鬼章以獻其功偉矣元祐諸老固欲休兵息民師雄言既不行功復不賞熙豐失

於偏滯終成紹述之禍亦有以也師雄治平二年進士

青唐錄一卷

陳氏曰右班殿直李遠撰元符中取邈川青唐已而皆棄之遠紹聖武舉人官鎮洮奉檄軍前記其經歷見聞之實粲然可觀

交趾事述十卷

陳氏曰知新州趙總撰

占城國錄一卷

陳氏曰不著名氏

雞林類事三卷

陳氏曰不著名氏

政和大理入貢錄一卷

陳氏曰右迪功郎錢塘周邦撰其祖種爲集賢修撰知桂州時歸明人黃璘招來大理國入貢詔種考究其真僞種言僞妄不可憑乞依熙寧故事支馬價發還璘至京師力主其事種落職奉祠久而覺其詐乃改正復職知廣州

安南表狀一卷

陳氏曰紹興二十五年李天祥進貢自靖康二年以後至是始通也

邊和錄五卷

陳氏曰承議郎河東陳伯彊撰載胡世將承公宣撫川陝事

建炎德安守禦錄三卷

陳氏曰郡丞東平劉荀子編次建炎初高密陳規元則守德安禦群盜事述功狀規後守順昌與劉

錡共成却敵之功者也以樞密直學士知廬州而卒

淮西從軍記一卷

陳氏曰不著名氏記紹興十年金虜敗盟淮西諸帥守禦事

順昌破敵錄一卷

陳氏曰不著名氏記劉錡信叔守禦戰勝本末

滕公守台錄一卷

陳氏曰不著名氏睢陽滕膺子勤爲台州戶曹方臘之亂仙居人呂師囊應之攻城甚急膺佐太守備禦卒全一城郡人德之至今廟食行狀事實聚見此篇膺後至直祕閣京西漕而終

二楊歸朝錄一卷

楊堯弼楊載紹興八年所與撻辣兀木書時僞齊初廢也未有探報虜事數十條

逆臣劉豫傳一卷

陳氏曰楊堯弼等撰二楊事迹當考前錄題銜稱宣義郎迪功郎並爲大總管府官屬此傳堯弼爲右從事郎載爲右迪功郎

許右丞行狀一卷

陳氏曰吏部員外郎許忻撰許公翰字林老襄邑人爲尚書右丞析其弟也

李忠定行狀一卷

陳氏曰通判洪州李綸撰其兄丞相綱伯紀事狀葉適正則所作謚議附於後

翟忠惠家傳一卷

陳氏曰翟耆年伯壽述其父汝文公異事實忠惠

者私諡也者年實邢恕外孫

艾軒家傳一卷

陳氏曰莆田林成季述其季父工部侍郎光朝諱之事實

夾深傳一卷著書目附

陳氏曰莆田鄭翁歸述其父樵漁仲事迹翁歸年八十歲老貧不競頃佐莆田郡時猶識之

葉丞相行狀一卷

陳氏曰閣學廬陵楊萬里廷秀撰丞相莆田葉顒子昂乾道丁亥以冬雷罷相至建寧而薨

謝修撰行狀墓誌一卷

陳氏曰昭武謝師稷務本奉使閩部有惠愛沒而民祠之行狀里人黃適景聲撰墓誌永嘉陳謙益之撰其廟曰昭應

朱侍講行狀一卷

陳氏曰奉議郎三山黃幹直卿撰其高第弟子且子壻也

紫陽年譜三卷

陳氏曰朱侍講門人通判辰州昭武李方子公晦撰

薦行事實一卷

陳氏曰丞相趙汝愚子直編其父善應彥遠事而羅願朱熹所撰行狀墓銘及諸賢哀詞題跋之屬萃為一編薦行者陳福公題其墓云爾呂太史跋語有云處者易持出者難工朱侍講取其意以為銘所以勉其子之意深矣

趙丞相行實一卷附錄二卷

陳氏曰知靜江府趙崇憲履常編集忠定長子也其一時諸賢祭文挽歌與嘉定更化之後昭雪誣枉改正史牒本末皆見附錄

趙忠定行狀一卷續義一卷

陳氏曰知光州都陽柴中行與之撰其諡議允濟全之楊方子直所為也

倪文節言行錄三卷遺奏誌狀碑銘諡議一卷

陳氏曰戶部郎中倪祖常子武輯其父尚書遺事行狀錫山蔣重珍良貴撰碑銘臨印魏了翁華甫撰

趙華文行狀一卷

陳氏曰文林郎趙山李燔敬子撰忠定之子吏部崇憲履常也

八朝名臣言行錄二十四卷

陳氏曰侍講朱熹撰以近代文集及傳記載本朝名臣言行撮取其要輯為此錄前五朝五十五人後三朝四十二人

中興志議忠錄三卷

陳氏曰龔頤正撰自建炎至紹興辛巳上自李若水劉幹貴臣名士下及一婦人卒伍之微皆錄之

孝史五十卷

太學博士新喻謝諤昌國撰集曰君紹五后德一宗表五臣傳三十五文類二夷附一譔後至御史丞淳熙名臣樂易君子也

孝行錄三卷

陳氏曰京兆胡訥撰始得此書不知訥何人也所記多國初人已而知其為安定先生翼之父仕

為寧海節度推官

古今孝悌錄二十四卷

陳氏曰廬陵王紹圭唐卿撰

廉吏傳十卷

陳氏曰成都費樞伯樞撰自秦至唐凡百十有四

人宣和乙巳為序

南陽先民傳二十卷

陳氏曰題南陽王襄元祐癸酉歲序所記鄧州人物自百里奚直不疑而下至唐范傳正韓翃凡一百六十人

典刑錄十二卷

陳氏曰荅吳宏編凡五十二門大略於言行錄中抄出

近世厚德錄四卷

陳氏曰題百鍊真隱李元綱國紀編沈滄道原為作序

救荒活民書三卷

陳氏曰從政郎鄱陽董燭編進燭紹熙五年進士

嘗知瑞安縣

仁政活民書二卷

陳氏曰秀州司戶會稽丁銳集

好還集一卷

陳氏曰秀水婁伯高元龍編作報應之事為十門

先賢施仁濟世錄一卷

陳氏曰奉化丞山陰諸葛典編凡十門皆本朝諸賢事實也

莆陽人物志三卷

陳氏曰知興化軍永嘉林紘文伯撰以圖志不敘人物故特爲是編莆壤地褊小而人物特盛

臥遊錄一卷

陳氏曰呂祖謙撰晚歲病廢臥家取史傳所載古今人境勝處錄之時以宗少文臥遊之語實諸卷首

上庠錄十卷

陳氏曰光州助教呂榮義撰雜記京師太學故事上庠後錄十二卷

陳氏曰三山周士貴撰記中興太學事頗疏略昭明太子事實二卷

陳氏曰知池州趙彥博富文編昭明廟食於池頗著靈響元祐始賜額曰文孝

祠山家世編一卷

陳氏曰詹仁澤曾樵編輯廣德橫山神張王事迹海神靈應錄一卷

陳氏曰永嘉貢士陸維則撰太守韓彥直子溫爲之序初元祐中守直龍圖閣范詢夢海神曰吾唐李德裕也郡城東北隅海仙壇之上有廟初不知其爲何代人詢明日往謁其像即夢中所見自是多響應然封爵訓詞惟曰海神而已

鄂國金佗粹編二十八卷續編三十卷

陳氏曰岳珂撰

宋登科記三卷

晁氏曰皇朝登科人名氏未詳何人所撰唐宋科名分定錄三卷

晁氏曰不題撰人元符間所著書也序云己卯歲

得張君房所誌唐朝科場故事今添續五代及本朝科名分定事迄於李常寧云

大宋登科記三十二卷

陳氏曰洪适編始興與郡學有鈐板不分卷第止述進士一科迨始做姚康錄制舉詞科自建隆庚申迄紹興庚辰二萬三千六百人有奇爲二十卷自後皆續書之

中興登科小錄三卷姓類一卷

陳氏曰通判徽州江都李椿撰新安舊有登科記但逐榜全錄姓名而已椿家藏小錄自建炎戊申至嘉熙戊戌節次取名字鄉貫三代諱刊之後以韻類其姓凡一萬五千八百人有奇太守吳興倪祖常子武刻之以備前記之闕文

乘輅錄一卷

陳氏曰知制誥祁陽路振子發撰祥符中使契丹歸進此錄事見其傳

奉使別錄一卷

陳氏曰河南富弼彥國撰慶曆使契丹歸爲語錄以進機宜事節則具於此錄又一本有兩朝往來書附於末

劉氏西行錄一卷

陳氏曰直昭文館保塞劉渙中章撰按康定二年朝廷議遣使通河西喃氏渙以屯田郎知晉州請行以十月十九日出界慶曆元年三月十日回泰州此其行紀也喃氏自此與中國通而元昊始病於牽制矣渙後擢刺史歷典數州至雷後以工部尚書致仕

契丹講和記一卷

陳氏曰不著名氏載契丹初講和本末末有慶曆增幣及誓書

慶曆正旦國信語錄一卷

陳氏曰余靖慶曆三年使北所記

熙寧正旦國信語錄一卷

陳氏曰天章閣待制竇子熙寧八年使北所記

接伴送語錄一卷

陳氏曰集賢校理沈季長熙寧九年接送伴北使耶律運所記

使遼見聞錄二卷

陳氏曰尚書膳部郎中李罕撰

宣和使金錄一卷

陳氏曰太常少卿安陸連南夫鵬舉弔祭阿骨打

奉使所記時宣和六年

奉使雜錄一卷

陳氏曰紹興十二年何鑄使北所錄禮物名銜表章之屬

館伴日錄一卷

陳氏曰無名氏紹興二十四年

隆興奉使審議錄一卷

陳氏曰左奉議郎雍希稷堯佐撰隆興一年編修官胡昉閣門祇候楊由義使金軍前審議海酒唐鄧等事不屈而歸希稷其禮物官也所抗辯應對之語多出由義

攬轡錄一卷

陳氏曰吳郡范成大至能乾道六年使北所記聞

見

北行日錄一卷

陳氏曰參政四明樓鑰大防乾道己丑待次溫州
教授以書狀官從其舅汪大猷仲嘉使虜紀行

乾道奉使錄一卷

陳氏曰參政諸暨姚憲令則乾道壬辰使虜日記

奉使執禮錄一卷

陳氏曰進士鄭儼撰淳熙己酉中書舍人莆田鄭
僑惠叔使虜賀正會其主病篤欲令於閣門進國
書僑不可已而雍殂遂回

使燕錄一卷

陳氏曰尚書戶部郎龍游余嶸景瞻撰嘉定辛未
嶸使虜賀生辰會有北師行至涿州定興縣而同

欽定古今圖書集成理學彙編經籍典

第四百十一卷目錄

史學部彙考七

宋馬端臨文獻通考四

爲史綱史

史評史抄

經籍典第四百十一卷

史學部彙考七

宋馬端臨文獻通考四

僞史霸史考

華陽國志十二卷

晁氏曰晉常據撰華陽梁州地也記漢以來巴蜀人物呂微仲跋云漢至晉初四百載間士女可書四百人亦可謂盛矣復自晉至周顯德僅七百載而史所紀者無幾人忠魂義骨與塵埃同歟何可勝數豈不重可歎哉

陳氏曰志巴蜀地理風俗人物及公孫述劉焉劉璋先後主以及李特等事迹末卷爲序志云肇自開闢終乎末和三年

九州春秋九卷

陳氏曰晉司馬彪紹統撰記漢永州部之亂司冀徐兗青荆揚涼益幽凡盜賊僭叛皆記之

汜上英雄小錄二卷

陳氏曰信都鎬撰所錄楊行密將吏有勳名者四

十人其二十四人皆肥人餘諸道人又有僧道漁樵之屬十人錄其小事故名小錄

江淮異人錄二卷

陳氏曰吳淑撰所記道流俠客術士之類凡二十五人

南唐烈祖開基誌十卷

陳氏曰南唐滁州刺史王顏撰起天佑乙丑止昇元癸卯合三十九年

南唐烈祖實錄十三卷

陳氏曰南唐史館修撰高遠撰闕第八第十二卷遠又嘗爲吳錄十二卷而徐鉉鄭文寶皆云開寶中遠始緝昇元以來事書未成而疾焚其草故事多遺落

江南錄十卷

晁氏曰皇朝徐鉉等撰鉉等自江南歸朝奉詔集李氏時事王介甫嘗謂鉉書至亡國之際不言其君之過但以曆數存亡論之於春秋箕子之義爲得也雖然潘佑以直見殺而鉉書佑死以妖妄殆與佑爭名且取其善不及佑故匿其忠污之以罪耳若然豈唯厚誣忠臣其欺吾君不亦甚乎世多以介甫之言爲然獨劉道原得佑子華所上其父事迹略與江南錄所書同乃知鉉等非欺誣也

南唐近事二卷

陳氏曰皇朝鄭文寶編記李氏三主四十年間雜事

陳氏曰起天福乙酉終開寶乙亥然泛記雜事實小說傳記之流耳

江南別錄四卷

晁氏曰皇朝陳彭年撰僞吳僞唐四主傳也

江表志三卷

晁氏曰鄭文寶撰序言徐鉉湯悅所錄事多遺落無年可編然前錄固爲略而猶以年月記事今此書亦止雜記如事實之類耳近事稱太平興國二年丁丑今稱庚戌者大中祥符三年

江南野史二十卷

晁氏曰皇朝龍克撰凡八十四傳

江南館載二卷

陳氏曰不著姓名序言徐鉉始奉詔爲江南錄其後王舉路振陳彭年楊億皆有書大槩六家皆不足以史稱而龍克爲尤甚熙寧八年得鄭君所述於楚州其事迹有六家所遺或少異者刪落是正取百九十五段以類相從從鄭君者莫知何人

南唐書三十卷

陳氏曰陽羨馬令撰序言其祖太傅元康世家金陵多知南唐故事未及撰次今纂先志而成之實崇寧乙酉其書略備記傳體亦言徐湯之疎略云

新修南唐書十五卷

陳氏曰寶謨閣待制山陰陸游務觀撰采獲諸書頗有史法

蜀桂堂編事二十卷

晁氏曰僞蜀楊九齡撰雜記孟氏廣政中舉試事載詩賦策題及知舉登科人姓氏且云科舉起於

隋開皇前隨者謂唐太宗時非也
外史檣杌十卷

晁氏曰皇朝張唐英次公撰稱王建孟知祥父子
四世八十年比之公孫述輩最爲久遠其間善惡
有可爲世戒者路振之書未備治平成此書以補
其遺凡五代史及皇朝日曆所書皆略之溫公修
通鑑搜羅小說殆遍未嘗取此書蓋多舛舛如光
大至二年之類是也

陳氏曰唐英自號黃松子商英之兄也
前蜀記事二卷

陳氏曰僞蜀學士毛文錫平珪撰起唐明庚子盡
天福甲子凡二十五年文錫唐太僕卿龜範之子
十四登進士第入蜀仕建至判樞密院隨行入洛
而卒按唐明宜作廣明
天福宜作天祐

後蜀記事十卷

陳氏曰直史館太常博士董淳撰惟記孟昶事

吳越備史九卷

陳氏曰吳越掌書記范垎巡官林禹撰按中興書
目其初十二卷盡開寶三年後又增三卷至雍熙
四年今書止石晉開運比初闕三卷

吳越備史遺事五卷

陳氏曰全州觀察使錢儼撰儼之弟也其序云備
史亦其所作托名林范而遺名墜迹殊聞異見闕
漏未盡者復爲是編時皇宋平南海之二年吳興
西齋序蓋開寶五年也儼以三年代其兄堪刺湖
州

閩中實錄十卷

陳氏曰周顯德中揚州儀真縣令蔣文樞記閩王
王審知父子及將吏儒士僧道事迹末亦略及山
川土物

閩王列傳一卷

陳氏曰秘書監晉江陳致雍撰二世七主通六十
年

閩王事迹一卷

陳氏曰不知何人作末稱光啓二年至天聖元年
一百三十八年所記頗詳

三楚新錄三卷

陳氏曰知桂州修仁縣周羽冲撰上卷爲湖南馬
殷中卷爲武陵周行逢下卷爲荆南高季興

湖南故事十卷

陳氏曰不知作者記馬氏至周行逢事館閣書目
作十三卷蓋爲列傳十三篇其實十卷也文辭鄙
甚

五國故事二卷

陳氏曰不知作者記吳蜀閩漢諸國事

九國志五十一卷

晁氏曰皇朝路振子發撰雜記吳越唐前後蜀東
漢南漢閩楚凡十國

陳氏曰各爲世家列傳凡四十九卷末二卷爲北
楚言高季興事張唐英所補撰

十國紀年四十二卷

晁氏曰皇朝劉恕道原撰溫公序云渙之子也博
學強記同修通鑑史事之紛錯難治者以委恕宋
次道知亳州家多書恕往借觀之目爲之替性剛

介初與王安石善及改新法言其非遂與之絕卒
年四十九所謂十國者一王蜀二孟蜀三吳四唐
五吳越六閩七楚八南漢九荆南十北漢溫公又
題其後云世稱路氏九國志在五代之史中最佳
此書又過之以予考之長於考異同而拙於屬文
其書國朝事皆曰宋而無所隱諱意者各以其國
爲主耳

天下大定錄一卷

陳氏曰殿中丞通判桂州王舉撰景德間人始高
季興終劉繼元其所記疎略獨江南稍詳本十卷
今但爲一卷恐非全書也

虜廷雜記十卷

晁氏曰契丹降人趙志忠撰記虜廷雜事始於阿
保謹迄耶律宗真李清臣云志忠仕虜爲中書舍
人得罪來歸上此書及契丹地圖言虜中甚詳
陰山雜錄十六卷契丹錄一卷

陳氏曰不著名氏蕭田鄭氏書目云趙志忠撰歐
公歸田錄云志忠本華人自幼陷虜爲人明敏在
虜中舉進士至顯官歸國能述虜中君臣世次山
川風物甚詳今觀此書可以槩見矣其首一卷名
契丹錄

契丹疆宇圖一卷

陳氏曰不著名氏錄契丹諸夷地及中國所失地
遼四京記 卷

陳氏曰亦無名氏曰東京中京上京燕京

燕北雜錄五卷西征塞地圖附

陳氏曰思卿武珪記嘉祐六年宮苑使知雄州趙

某進於朝廷亦自契丹逃歸事見國史傳

匈奴須知一冊

晁氏曰契丹歸明人田緯編次錄契丹地理官制辨鳩錄一卷

陳氏曰不著名氏契丹譯語也凡八篇

虜廷須知一卷

陳氏曰左藏庫副使知安肅軍陳昉撰熙寧元年集賢校理胡穆爲之序凡二十一條目載斗奉使錄二卷

晁氏曰皇朝王曙撰景德三年爲契丹主生辰使祥符二年爲弔慰使所錄也

生辰國信語錄一卷

晁氏曰皇朝寇瑊與景德興天聖六年使契丹賀其主生辰往返語錄并景德二年至天聖八年使副姓名及雜議於後

張浮休使遼錄二卷

晁氏曰皇朝元祐甲戌春張舜民被命爲回謝大遼弔祭使鄭介爲副錄其往返地里及語言也舜民字芝叟自號浮休居士

北遼遺事二卷

晁氏曰不題撰人蓋遼人也記女真滅遼事序云遼國自阿保機創業於其初德光恢復於其後吞滅諸蕃割據漢界南北開疆五千里東西四千里戎器之備戰馬之多前古未有子孫繼統二百三十餘年迨至天祚失御女真稱名十二年間舉國土崩古人謂得之難而失之易非虛言耳

陳氏曰燕山史愿撰一名金人亡遼錄

金虜節要一卷

晁氏曰陷虜人所上也記金人初內侮止紹興十年其十六年事頗詳實

陳氏曰右從事郎充人張匯東卿撰宣和中隨父官保州陷虜十五年至紹興十年歸朝

金虜志二卷又一卷

陳氏曰承奉郎張棣撰淳熙中歸明人記虜中事頗詳又一卷不著名氏似節略張棣書其末又雜錄虜界事宜及逆亮以後事

松漠記聞二卷

陳氏曰徵猷閩直學士番易洪皓光弼撰皓奉使留虜中錄所聞雜事

征蒙記一卷

陳氏曰金人明威將軍登州刺史李大諒撰建炎鉅寇之千隨其父成降虜者也

僞楚錄二卷僞齊錄二卷

陳氏曰並不著名氏

金人南遷錄一卷

陳氏曰稱僞著作郎張師顏撰初見此書疑非北人語其間有曉然傳會者或曰華岳所爲也近叩之汴人張總翼則云歲月皆抵牾不合益證其妄

西夏須知一卷

晁氏曰皇朝劉溫潤守延州日編錄僞境雜事

陳氏曰凡十五條目

蕃爾雅一卷

晁氏曰不載著人姓名以夏人語依爾雅體譯以華言

夏國樞要二卷

晁氏曰皇朝孫異纂記夏虜兵屯會要土地肥磽井泉湧澗穀粟藏倉家姓氏名位司存與夫城池之完缺風俗之所向編爲兩帙上之朝

西域志十二卷

晁氏曰唐僧元奘撰樊西遊天竺求佛書既歸記其所歷諸國風俗其自序云自黑嶺以西皆土著尚東左雅務田畜重財賄嫁娶無禮獨天竺則異別記於後云或云元奘譯大總持寺僧辨機撰

雞林志三十卷

晁氏曰皇朝崇寧中王雲編次崇寧中劉達吳杖使高麗雲爲書記官既歸攜輶其會見之禮聘問之辭類分爲八門

陳氏曰自元豐創使通高麗以後事實皆詳載之海外使程廣記三卷

陳氏曰南唐如京使章倬撰使高麗所記海道及其國山川事述物產甚詳史虛白爲作序稱己未十月蓋本朝開國前一歲也

高麗圖經四十卷

陳氏曰奉議郎徐兢明叔撰宣和六年路允迪傳墨卿使高麗競爲之屬歸上此書圖其形事爲之說今所刊不復有圖矣競鉉之後按說一作

南詔錄三卷

陳氏曰唐嶺南節度巡官徐雲虔撰乾符中邕中遣雲虔使南詔所作上卷記山川風俗後二卷紀行及使事雲南行記二卷

晁氏曰唐韋齊休撰齊休長慶三年從韋審規使雲南記其往來道里及其見聞序謂雲南所以能為唐患者以開道越焉耳若自黎州之南清溪關外盡斥棄之疆場可以無虞不然憂未艾也及唐之亡禍果由此本朝棄嶺州不守而遂無邊患以此論之則齊休之言可不謂善哉

雲南志十卷

晁氏曰唐樊綽撰咸通中南詔數寇邊綽為安南宣慰使纂八詔始末名號種族風俗物產山川險易疆境接聯聞於朝

至道雲南錄三卷

晁氏曰皇朝辛怡顯撰蜀賊李順既平餘黨竄入雲南雷有終募怡顯招出之至道初歸因書其所歷成此書

陳氏曰怡顯入雲南招李順餘黨因賜蠻酋告勅而遂為此錄天禧四年自序稱左侍禁知興化軍或云此書妄也余在莆田視壁記無怡顯名字恐或然

皇祐平蠻記一卷

晁氏曰皇朝馮炳撰記儂智高叛朝廷遣狄青平之

南蠻錄十卷

晁氏曰未詳撰人熙寧間交趾叛朝廷議討之或纂歷代南蠻事迹及便宜上之

諸蕃志二卷

陳氏曰福建提舉市舶趙汝适記諸蕃國及物貨所出

史評史抄

劉氏史通二十卷

晁氏曰唐劉知幾撰知幾長安神龍間三為史官頗不得志乃以前代書史序其體法因習廢置擬其得失述作曲直分內外篇著為評議備載史策之要當時徐堅深重之云居史職者宜置座右元宗朝詔其家錄進上讀而善之宋子京稱唐舊史之文猥醜不綱謂知幾工詞古人而拙於用己觀此書知子京之論不誣前代史部中有史抄類而集部中有文史類今世抄節之學不行而論說者為多故自文史類內摘出論史者為史評附史部而廢史抄云

史通析微十卷

晁氏曰唐柳璨撰之撰璨以劉子元史通妄誣聖哲評湯之德為偽述論桀之惡為厚誣諉周公云不臣褒武庚以徇節其甚至於彈劾仲尼因討論其舛謬共成五十篇蕭統云論則析理精微故以為名乾寧四年書成唐史云璨公綽族孫少孤貧好學著史通析微時或稱之起布衣至於相不四歲按唐紀相璨在天祐改元則書成猶未仕也

史例三卷

陳氏曰唐右補闕劉餗鼎卿撰知幾次子也

歷代史贊論五十四卷

晁氏曰未詳撰人纂史記迄五代史臣贊論歷代史辯志五卷

晁氏曰未詳撰人亦有可觀者凡百許篇序謂人之志有甚微者不可不辨故以名書

通鑑釋文二十卷

陳氏曰司課司馬康公休撰溫公之子

通鑑釋文三十卷

陳氏曰左宣義郎眉山史始見可撰馮時行為之序今考之公休之書大略同而加詳焉蓋因其舊而附益之也

通鑑前例一卷修書帖一卷三十六條四圖共一卷

陳氏曰司馬光記集修書凡例諸帖則與書局官屬劉恕祖禹往來書簡也其曾孫侍郎即季思哀為一篇又以前例分為三十六條而考其離合稽其授受推其甲子括其卷帙分為四圖

通鑑問疑一卷

陳氏曰高安劉義仲壯與纂集其父道原與溫公往復相繼者亦附修書帖後

讀史管見三十卷

陳氏曰禮部侍郎建安胡寅明仲以通鑑事備而義少故為此書議論宏偉嚴正間有感於時事其於熙豐以後接於紹興權姦之禍尤拳拳寓意焉晦庵綱目亦多取之

朱子語錄胡致堂議論英發人物偉然讀史管見乃嶺表所作當時並無一冊文字隨行只是記憶所以其間有抵牾處

南軒言管見專為秦檜設豈有言天下之事而專於一人者先生曰儘有好處但好惡不相掩耳又曰致堂管見方是議論唐鑑議論弱又有不相應